

藏

書

藏書名臣傳卷八

○二彊主名臣

○張柬之

張柬之、襄陽人、中進士第、永昌元年、以賢良召、授鳳閣舍人、時年七十餘、以忤旨出、爲合蜀二州刺史、故事歲以兵五百戍姚州、古哀牢國、光武末始請內屬、置永昌、弊曰、臣按姚州古哀牢國、光武末始請內屬、置永昌郡、統之、賦其鹽布、以利中土、其國西大秦、南交趾、奇珍之貢不闕、劉備據蜀、諸葛亮收其產入以益

軍選取勁兵以增武備故蜀志稱元帝征後國以富饒今鹽布之稅不供珍奇之貢不入戈戟之用不實於戎行寶貨之資不輸於大國而空竭府庫驅率平人受役蠻夷臣竊爲陛下惜之昔漢歷博南涉蘭滄更置博南哀牢二縣蜀人愁苦作歌曰歷博南越蘭津度蘭滄爲他人蓋譏其貪珍奇之利爲蠻夷所驅役也漢獲其利人且怨歌今減耗國儲費調日廣可徒使陛下赤子身膏野草骸骨不歸老母幼子哀號望祭於千里之外乎疏奏不納俄爲荊州大都督府

長史長安中武后謂狄仁傑曰安世男子哉安得一奇士用之仁

傑曰陛下求文章資歷今宰相李嶠蘇味道足矣豈

文士齷齪不足與成天下務哉后曰然仁傑曰荊州

長史張柬之雖老宰相材也后卽召爲洛州司馬他

日又求人仁傑曰臣嘗薦張柬之未用也后曰遷之

矣曰臣薦宰相非司馬也乃授司刑少卿遷秋官侍

郎後姚崇爲靈武軍使將行后詔舉外司可爲相者

崇曰張柬之沈厚有謀能斷大事其人旣老惟亟用

之於是遂卽日召見拜同平章事進鳳閣侍郎及誅

二張柬之首發大謀以功擢天官尚書封漢陽郡公  
不半歲以漢陽郡王加特進罷政事柬之旣罷願還  
萊州養疾乃授襄州刺史至州持下以法雖親舊必  
深文致法無所貸會漢水漲齧城郭柬之因壘爲隄  
以遏滄怒闔境賴之又懇辭王爵不許俄以三思事  
貶又流隴州憂憤卒年八十二

○李吉甫 官生

李吉甫，趙郡人。父御史大夫李栖筠也。吉甫以蔭補  
官。貞元初，爲太常博士。李泌竇參深器之。陸贄疑其  
有黨，出爲明州長史。贄之貶忠州也，宰相故起吉甫  
爲忠州刺史。吉甫至州，益厚贄。坐是不徙者六歲。憲  
宗立，以考功郎中召知制誥。俄入翰林，爲學士。遷中  
書舍人。高崇文圍鹿頭未下，嚴礪請出并州兵與崇  
文趣果闕以攻渝合。吉甫以爲非，是因言漢伐公孫  
述、晉伐李勢、宋伐譙縱、梁伐劉季連、蕭紀凡五攻蜀。

繇江道者四、且宜洪、斬鄂、強弩、號天下精兵、爭險地、  
兵家所長、請起其兵、擣三峽之虜、則賊勢必分、首尾  
不救、崇文懼舟師成功、人有闢志矣、帝從之、劉闢平、  
吉甫謀居多、吉甫又建言諸州刺史不得擅見本道、  
使罷諸道歲終巡、句軍國大事、以寶書易墨詔、由是  
帝愈倚信之、元和二年、黃裳罷宰相、乃擢吉甫中書  
侍郎平章事、吉甫連蹇外遷十餘年、常病方鎮強恣、  
至是爲帝言、使屬郡刺史得自爲政、則風化可成、帝  
然之、出郎吏十餘人爲刺史、自王叔文時選任、復冒

吉甫始簿其員人得叙進官無畱才又度李錡必反  
勸帝召之使者三往以病解而多持金啗京師貴人  
吉甫曰錡庸材而所畜乃亡命羣盜非有關志討之  
必克帝意決制削李錡官爵及屬籍以淮南節度使  
王鐸統諸道兵爲招討處置使討之詔下錡衆聞徐  
梁兵興果斬錡降以功封贊皇縣侯徙趙國公德宗  
以來姑息藩鎮有終身不易地者吉甫爲相歲餘凡  
易三十六鎮殿最分明是時吉甫撰元和國計簿上  
之總計天下方鎮州府縣戶稅實數比天寶戶稅四



分減三。天下兵仰給縣官者八十二萬餘人。比天寶三分增一。大率二戶資一兵。其水旱所傷。非時調發。不在此數。欲以感悟朝廷。會竇羣捕醫者。劾吉甫。交通術士吉甫。固乞免。因薦裴垪自代。乃以爲淮南節度使。居三歲。奏蠲逋租數百萬。築富人固本二塘。溉田萬頃。漕渠庠下。不能居水。又築隄閘以防不足。洩有餘。名曰平津堰。六年。裴垪病免。復以前官召吉甫。還秉政。入對延英。凡五刻。乃罷。帝尊任之。官而不名。吉甫奏曰。方今置吏不精。流品龐雜。存無事之官。食

至重之稅故生人日困、穴食、日滋、天下常以勞苦之人三奉坐待衣食之人七、而内外官仰奉稟者無慮萬員、願詔有司博議、乃詔參閱蠲減、凡省冗官八百員、吏千四百員、一日上御延英殿問時政、記時吉甫監修國史先對曰、是宰相記天子事、以授史官之實錄也、古者右史記言、今起居舍人是左史記事、今起居郎是永徽中宰相姚璩監修國史、慮造膝之言或不下聞、因請隨奏對而記于伏下、以授史官、今時政記是也、姚璩修之于長壽、及璩罷而事寢、賈耽齊抗

修之于貞元及耽抗罷而事廢然則關時政記者不  
虛美不隱惡謂之良史也先是六胡州在靈武部中  
開元時廢之置宥州以處降戶寓治經略軍居中以  
制戎虜北援天德南接夏州至德寶應間廢宥州以  
軍逃隸靈武道里曠遠故党項孤弱虜數擾之吉甫  
始奏復宥州乃治經略軍以隸綏銀道取鄜城神策  
屯兵九千實之以江淮甲三十萬給太原澤潞軍增  
大原馬千匹由是戎備完輯自蜀平帝銳意欲取淮  
西及元濟擅立吉甫謀與帝合吉甫又請自往招元

濟天子不許固請至流涕帝慰免之可憐會暴疾卒吉甫  
畏慎奉法顧大體雖其不悅者亦無所傷初政事堂  
會食有巨牀相傳徙者宰相輒罷吉甫笑曰世俗禁  
忌如此命徹而新之卒年五十七

○杜黃裳

杜黃裳萬年人郭子儀辟佐朔方府子儀入朝使主  
留事李懷光與監軍謀矯詔誅大將等欲代子儀黃  
裳得詔判其非以質懷光懷光流汗服罪于時諸將  
狠驕難制者黃裳皆以子儀令易置衆不敢亂入爲  
侍御史爲裴延齡所惡十期不遷貞元末拜太子賓  
客遷太常卿擢爲門下侍郎同平章事西川節度使  
韋臯薨節度副使劉闢自爲留後表求節鉞憲宗元  
和元年劉闢旣得旌節志益驕求兼領三川上不許

開遂發兵圍東川節度使李康於梓州上欲討闢而重於用兵公卿議者亦以爲蜀險固難取黃裳獨曰闢狂慝書生取之如拾芥耳臣知神策軍使高崇文勇略可用願陛下專以軍事委之勿置監軍闢必可擒上從之時宿將名臣素重者皆自謂當征蜀之選及詔用崇文皆大驚凡兵進退黃裳自中指授無不切中蜀平羣臣入賀憲宗目黃裳曰時卿之功始德宗創艾多難務姑息故大將私金幣結左右以求節制方鎮選不出朝廷黃裳言陛下宜鑒貞元之弊整

法度股損諸侯由是平夏翦齊滅蔡復兩河以機乘  
還宰相紀律設張赫然號中興皆黃裳啟之也元和  
二年以檢校司空同平章事爲河中晉絳節度使俄  
封邠國公卒年七十黃裳達權變有王佐大略居相  
位不久未究其才及處外天下常所屬意初韓全義  
入朝以其甥楊惠琳知夏綏畱後黃裳以全義出征  
無功驕寒不遜直令致仕以右驍衛將軍李演爲夏  
綏節度使惠琳勒兵拒之詔河東天德軍合擊惠琳  
傳首京師李師古跋扈憚杜黃裳未敢失禮有一幹

吏寄錢數千緡并輓車一乘直千緡使者于宅門候伺累日未敢送適有綠輿自宅出從婢二人青衣繼縷使者問知是相公夫人遽歸以告師古師古折其謀終身不敢改節



○寇準

附高瓊

寇準字平仲華州人也年十九舉進士太宗取士多  
臨軒顧問年少者往往罷去或教準增年準不可雍  
熙二年廢太子楚王元佐太子殘忍不守法帝怒會  
寇準通判鄆州得召見謂曰試與朕決一事東宮所  
爲不法欲廢之則宮中有甲兵恐因而招亂準曰此  
易耳請某月日令東宮於某處攝行禮令左右侍從  
皆從陛下搜其宮中果有不法事廢太子一黃門力  
也太宗從其策及東宮出果得剗眼挑筋摘舌等器

遂廢之擢判吏部東銓嘗奏事殿中語不合帝怒起  
準輒引帝衣令帝復坐事決乃退上由是嘉之曰朕  
得寇準猶文皇之得魏徵也淳化二年春大旱太宗  
延近臣問時政得失準對曰洪範天人之際應若影  
響大旱之證蓋刑有所不平也太宗怒起入禁中頃  
之獨召準問狀準曰願召二府至臣卽言之有詔二  
府準乃言曰頃者祖吉王淮皆侮法受賕吉賊少乃  
伏誅淮以參政沔之弟盜主守財千萬止杖仍復其  
官非不平而何太宗乃責沔拜準樞密副使改同知

院事後與知院張遜數爭事帝怒謫遜準亦罷知青州帝顧準厚旣行念之明年召拜參知政事時太宗在位久馮拯等上疏乞立儲貳帝怒斥之嶺南中外無敢言者準初自青州召還入見帝足創甚自褰衣以示準且曰卿來何緩朕諸子孰可以付神器者準曰陛下爲天下擇君謀及婦人中宮不可也謀及近臣不可也唯陛下擇所以副天下望者帝俛首久之屏左右曰襄王可乎準曰知子莫若父願卽決定於是立爲太子廟見還京師之人擁道喜躍曰少年天

子也。帝聞之不懌，召準謂曰：「人心遠屬，太子欲置我何地？準再拜賀曰：「此社稷之福也。」會馮拯奏準擅權，康戢亦言宰相呂端等皆準所引，端德之不敢與抗。太宗怒，召責端等。端曰：「準性剛，自任臣等不欲數爭，慮傷國體。」及準入對，帝語及馮拯事，準猶力爭不已。又持中書簿論曲直於帝前，帝益不悅，因歎曰：「鼠雀尚知人意，況人乎？」遂罷準知鄧州。真宗咸平六年，遷三司使。真宗久欲相準，患其剛直。景德元年，以畢士安參知政事，踰月並命同平章事。是時契丹內寇，繼

游騎掠深祁間。小不利。輒引去。準曰：「是狃我也。」請練師命將簡驍銳據要害以備之。是冬契丹果大入。急書一夕凡五至。準不發。歔笑自如。明日同列以聞。帝大駭。以問準。準曰：「陛下欲了此。不過五日。爾因請帝幸澶州。同列懼欲遏準止之。令候駕起。帝難之。亦欲還內。準曰：「陛下入則臣不得見。大事去矣。」請毋還而行。乃議親征。召羣臣問方略。旣而聞契丹圍瀛州。直犯貝魏。中外震駭。叅知政事王欽若請幸金陵。陳堯叟請幸成都。帝問準。準心知二人謀。乃曰：「誰爲陛下。」

畫此策者可誅也。今陛下神武將臣協和，若大駕親征，賊當自遁。不然，出奇以撓其謀，堅守以老其師，勞佚之勢，我得勝算矣。奈何棄廟社，欲幸楚蜀，遠地，遂請帝幸澶州。及至南城，契丹兵方盛，衆請駐蹕以覘軍勢。準固請曰：「陛下不過河，則人心危，敵氣不懾，非所以取威決勝也。」且王超領勁兵屯中山，以扼其吭。李繼隆石保吉分大陳以扼其左右，肘四方。征鎮赴援者日至。陛下何疑而不進乎？衆議皆懼，準力爭之，不決。出遇高瓊，謂曰：「太尉受國恩，今日有以報國否？」

對曰瓊武人願效死準復入厲聲曰陛下不以臣言  
爲然盍試問瓊等瓊卽仰奏曰寇準言是準曰機不  
可失宜趣駕瓊卽麾衛士進輦帝遂渡河御北城門  
樓遠近望見御蓋踴躍歡呼聲聞數十里契丹相視  
驚愕帝盡以軍事妥準準承制專決號令明肅士卒  
喜悅敵數千騎薄城下詔士卒迎擊斬獲大半乃引  
去上還行宮畱準居城上徐使人視準準方與楊億  
飲博謔歌歡呼相持十餘日會契丹統軍撻覽爲威  
虎軍張頭瓊牀子弩所中死乃請盟準不從欲邀使

稱臣并獻幽州地時有譖準欲幸兵以自取重者準

苦哉

南宗根本

乃不敢言真宗遣曹利用往議歲幣曰百萬以下皆可許也準召至幄語曰雖有敕汝所許過三十萬吾斬汝矣利用至果以三十萬成約而還河北罷兵宋免遷國準之力也初真宗語準曰虜騎未退天雄軍截在賊後萬一陷沒則河朔皆虜境奈何準曰古人有言智將不如福將臣觀叅政王欽若福祿未艾宜

甚不

守準卽時進促出敕召欽若諭以上意授敕俾行

欽若茫然自失準曰主上親征非臣子辭難之日叅



政爲國柄臣當體此意驛騎已集仍放朝辭便宜就  
途遽酌大白飲之命之曰上馬杯飲若飲訖拜別準  
荅拜曰叅政勉之回日卽爲同列也故準自澶淵還  
欽若深嫉之會朝準先退帝目送準欽若因進曰陛  
下敬寇準謂其有社稷功邪帝曰然欽若曰澶淵之  
役陛下不以爲耻此等入說嘴偏勝而謂準有社稷功何也夫城下之  
盟春秋耻之澶淵之舉是城下之盟也何恥如之欽  
若又曰陛下聞博乎博者輸錢欲盡乃罄所有出之  
謂之孤注陛下寇準之孤注也會說斯亦危矣由是帝顧

準寢衰出準知天雄軍北使過謂準曰相公望重何  
以不在中書準曰皇上以朝廷無事北門鎖鑰非準  
不可耳京兆都監朱能獻天書託神言國家休咎欲  
倚準重望以實其事準從上之天禧元年復召準入  
同平章事準請問言曰太子人望所屬願陛下傳以  
神器下謂佞人也不可以輔少主上然之準乃屬楊  
億草表請太子監國億夜屏左右至自起剪燭跋中  
外無知者既而準被酒漏泄謂懼力譖準罷準爲太  
子太傅以丁謂平章事曹利用加同平章事上雖擢

二人而待寇準猶如故謂等懼乃共謀發朱能所獻  
天書妖妄事捕能誅之降準太常卿知相州朝士與  
準親厚者皆斥楊億尤善準準敗丁謂召億億懼面  
無人色謂素重億徐曰謂當改官煩公爲一好詞億  
乃安謂不欲準居內郡復徙準道州司馬自準罷相  
繼以三紂皆非上意歲餘上忽問左右曰吾目好貨中久  
不見寇準何也左右莫敢對乾興元年再貶雷州司  
戶參軍丁謂惡準必欲置之死遣中使齎敕就賜以  
錦囊貯劍揭馬前至道州準方與客宴衆惶恐不知

所爲準神色自若使人謂之曰朝廷若賜準死願見  
敕書中使不得已乃授以敕準卽從錄事叅軍借綠  
衫著之短纚至膝拜敕下廷升階復宴至暮乃罷及  
赴貶所吏獻圖經首載州東南門至海岸十里準恍  
然曰吾少時嘗爲詩曰到海只十里過山應萬重人  
生得喪豈偶然邪丁謂出準門下事準甚謹嘗會食  
中書羹汚準鬚謂起徐拂之準笑曰叅政國之大臣  
乃爲官長拂鬚邪謂大慚處士魏野嘗贈準詩曰有  
官居鼎鼐無宅起樓臺及是北使至賜宴兩府北使

歷視坐中問譯者曰誰是無宅起樓臺相公丁謂今  
譯者曰朝廷初卽位南方須大臣鎮撫寇公暫撫南  
夏非久卽還未幾謂亦南竄道雷州準聞家僮欲報  
仇乃杜門使縱博伺謂行遠乃出初太宗得通天犀  
命工爲二帶一以賜準及是準遣人取自洛旣至數  
日沐浴具朝服束帶北面再拜呼左右趣設臥具就  
榻而卒準在中書日會除官吏進例簿準曰宰相所  
以器百官若用例非所謂進賢退不肖也張詠守蜀  
聞準大拜喜曰眞宰相也又曰人千言而不盡者準

一言而盡然仕太早用太速不及學耳張冠布衣交也準兄事之及準出陝詠還朝準大爲供具請詠曰何以教準詠徐曰霍光傳不可不讀也準歸取傳讀之至不學無術笑曰此張公謂我矣準喜劇飲每宴賓客闔扉脫駢在鄧州爲花蠟燭名著天下雖寢室亦然燭達旦厠溷間燭淚成堆少年時愛飛鷹走狗毋不勝怒舉秤鎚投之足流血及貴母已亡每捫其痕輒哭歸葬西京道出荆南公安縣人皆祭哭于路折竹植地掛紙錢踰月視之枯竹盡生筍衆因爲立

廟歲時享祭準無子葬後贈萊國公

高瓊家世燕人事太宗真宗官至太尉曾孫女爲宣  
仁皇后事英宗上在澶淵南城瓊請幸河北曰陛下  
不過河百姓如喪考妣馮拯呵之曰高瓊何得無禮  
瓊曰君以文章爲大臣今虜騎充斥無禮如此君何  
不賦一詩詠退虜騎邪上乃幸北城至浮橋猶駐輦  
未進瓊以所執楫築輦夫背曰何不亟行已至此尚  
何疑上乃命進輦瓊執御轡曰旣好喚宰相吟兩  
目詩也

○王曾

王曾字孝先，益都人。由鄉貢試禮部，廷對皆第一。通判濟州，代還，召試學士院，宰相寇準奇之，特試政事堂，授秘書省著作郎，遷翰林學士，參知政事。時宮觀皆以輔臣爲使，王欽若方挾符端，傳會帝意，又欲陰排異已者，曾當使會靈觀，因以推欽若。故忤帝意，出知應天府。王旦語人曰：「王君介然，他日德望勲業甚大。昨讓會靈觀使，頗拂上旨而進對，詳雅詞直氣和，了無所媚。且王君始被進用，已能若是我自循任政。」



事幾二十年每進對上意稍忤卽蹶躅不能自容以是知其偉度矣徙知天雄軍復叅知政事真宗不豫皇后居中預政錢惟演時爲樞密交通宮掖曾密語惟演曰太子幼非中宮不能立中宮非倚皇儲之重則人心亦不附后加恩太子所以安劉氏也惟演以白后兩宮由是益親曾奉命入殿廬草遺詔以明肅皇后輔立皇太子權聽斷軍國大事丁謂欲去權字曾曰皇帝冲年太后臨朝斯已國家否運稱權猶足示後且增減制書有法表則之地先欲亂之邪遂不

敢去仁宗立羣臣議太后臨朝儀曾請如蔡邕獨斷  
所述東漢故事太后坐右帝坐左垂簾奏事丁謂獨  
欲帝朔望見羣臣大事則太后召對輔臣決之非大  
事令入內押班雷允恭傳奏禁中畫可以下曾曰兩  
官異處而柄歸宦官禍端兆矣旣而允恭坐誅謂亦  
得罪自是兩官垂簾輔臣奏事如曾議先是寇準貶  
雷州李迪貶衛州曾疑太重丁謂熟視曾曰居停主  
人恐亦未免爾蓋指曾嘗以第舍假準也曾蹶然懼  
遂不復爭入內押班雷允恭管勾山陵大行事判司

天監邢中和謂允恭言今山陵上百步法宜子孫恐下有石若水耳允恭曰第移就上穴我入見太后言之允恭方貴橫衆莫敢違卽改穿上穴旣而果有石盡水出允恭坐擅移皇堂杖死允恭初下獄曾欲因山陵事并去謂一日語同列曰曾無子將以弟之子爲後明日朝退當畱白曾因獨對具言謂包藏禍心故令允恭擅移皇堂於絕地太后大驚乃責謂爲太子少保分司西京故事宰相罷免皆降制時行欲亟止召當直舍人草詞仍以謂罪狀布告中外始謂

命宋綬草寇準責詞綬請其故謂曰春秋無討漢法不道皆證事也綬雖從謂指然有改易及謂貶綬猶當制卽草詞曰無將之戒舊典甚明不道之辜常刑罔赦朝論快焉時真宗初崩內外洶洶曾正色獨立朝廷倚以爲重拜中書侍郎平章事會靈觀使王欽若卒乃以曾爲玉清昭應宮使始太后受冊將御大安殿曾固執以爲不可及長寧節上壽止供張便殿太后左右姻家稍通請謁曾又多裁抑以故太后益不悅會玉清昭應宮災乃出曾知青州復徙知天雄

軍契丹使者往還斂車徒而後過無敢譁者人樂其  
政爲畫像而生祠之景祐元年入爲樞密使明年拜  
右僕射封沂國公寶元元年冬大星墜其寢左右驚  
告曾曰後一月當知之如期而薨曾資質端厚眉目  
如畫朝廷進止皆有常處平居寡言笑人莫敢干以  
私少與楊億同在侍從億喜談謔凡僚友無不狎侮  
至與曾言則曰余不敢奉戲也卒年六十一仁宗爲  
篆其碑曰旌賢之碑改其鄉曰旌賢鄉大臣賜碑篆  
自曾始

李生曰王孝先人品甚高事業亦偉以今觀之俱無足論者予獨喜其能以計去丁謂也以丁之神奸位元宰交結方深一旦去之如縛雞然卒展轉不得可謂有用之學術矣去凶人定國家安善類幾不密則失身城狐社鼠禍蔓延必重悞國自古所難也予謂公卽此是學矣使以公之才而知如是之爲學則當皇帝幼冲之年女主垂簾之初丁謂去而社稷安危之寄獨存於我胡爲乎裁抑劉氏使不得一行其意便以爲輔相之能也其後呂相繼之卒安劉氏而成

仁宗四十年恭儉之績公豈未知之耶奈何復入而復攻呂之短又不得容其身於明良之朝也耶史臣無識於公之去丁也既明丁非其罪矣又重爲公諱曰獨衆論稱快云夫丁苟當去不必犯罪去丁果當不必稱快知此則可爲天子大臣矣意公雖不得爲大臣也獨不可以爲重臣歟

○富弼

富弼字彥國河南人初母韓有娠夢旌旗鶴鴈降其庭云有天赦已而生弼少篤學舉茂材異等除鹽鐵判官史館修撰奉使契丹會契丹遣其臣蕭英劉六符來先是西兵久不決六符以中國爲怯且厭兵教其主聚兵幽薊聲言欲入寇及是先以書來求關南地朝廷擇報聘者皆莫敢行夷簡薦弼弼入對叩頭曰主憂臣辱臣不敢愛其死帝爲動色先以爲接伴英等入境中使迎勞之英託疾不拜弼曰昔使北病



臥車中聞命輒起今中使至而君不拜何也英矍然  
起拜弼開懷與語英感悅遂密以其主所欲得者告  
弼弼具以聞進弼樞密直學士辭不拜曰國家有急  
義不憚勞奈何賂以官爵遂爲使報聘既至六符來  
館客弼見契丹主問故契丹主曰南朝違約塞鴈門  
增塘水治城隍籍民兵將以何爲羣臣請舉兵而南  
吾以謂不若遣使求地求而不獲舉兵未晚弼曰北  
朝忘章聖皇帝之大德乎澶淵之役苟從諸將言北  
兵無得脫者且北朝與中朝通好則人主專其利而

臣下無獲若用兵則利歸臣下而人主任其禍故  
用兵者皆爲身謀耳契丹主驚曰何謂也弼曰晉高  
祖欺天叛君末帝昏亂土宇狹小上下離叛故契丹  
全師獨克然壯士健馬物故大半今中國提封萬里  
精兵百萬法令修明上下一心北朝欲用兵能保必  
勝乎就使獲勝所亡士馬羣臣當之與抑人主當之  
歟若通好不絕歲幣盡歸人主羣臣何利焉契丹主  
大悟首肯者久之弼又曰塞鴈門者備元昊也塘水  
始於何承矩事在通好前城隍皆修舊民兵亦補闕

非違約也。契丹主曰：微卿言，吾不知其詳。然所欲得者，祖宗故地耳。弼曰：晉以盧龍賂契丹，周世宗復取關南，皆異代事。若各求地，豈北朝之利哉？旣退，六符曰：吾主恥受金幣，堅欲十縣。何如？弼曰：本朝皇帝言朕爲祖宗守國，豈敢妄以土地與人？北朝所欲，不過租賦耳。朕不忍多殺兩朝赤子，故屈已增幣以代之。若必欲得地，是志在敗盟，假此爲詞耳。澶淵之盟，天地鬼神其可欺乎？明日，契丹主召弼同獵，引弼馬自近。又言得地則歡好可久。弼反覆陳，必不可狀。且言

北朝旣以得地爲榮南朝必以失地爲辱兄弟之門  
豈可使一榮一辱哉獵罷六符曰吾主聞公榮辱之  
言意甚感悟弼歸復命於是呂夷簡傳帝旨令弼草  
答契丹書并誓書弼奏於誓書內創增三事弼因請  
錄副以行弼自念所增三事皆與契丹前約萬一書  
詞異同則虜必疑乃密啟副封果如所料弼疾馳還  
京見上曰執政固爲此欲致臣于歾臣歾不足惜奈  
國事何上急召呂夷簡等問之夷簡曰此俟爾當改  
正弼語益侵夷簡遂易書旣至契丹主曰須於誓中

加一獻字。弼曰：南朝爲兄，豈有兄獻于弟乎？曰：改爲納字如何？弼曰：亦不可。契丹主曰：南朝旣懼我矣，於二字何有？若我擁兵而南，得無悔乎？弼曰：本朝兼愛南北，故不憚更成何名爲懼？或不得已至於用兵，則當以曲直爲勝負，非使臣之所知也。契丹主曰：卿勿固執，古亦有之。弼曰：自古惟唐高祖借兵於突厥，當時贈遺或稱獻納，其後頡利爲太宗所擒，豈復有此禮哉？弼聲色俱厲。契丹知不可奪，乃曰：吾當自遣人議之。復使劉六符來。弼歸奏曰：二字臣以死拒之，彼

氣折矣。可勿許也。朝廷竟用納字。時契丹實固惜盟。  
姪特爲虛聲以動中國。中國方困西兵。相臣持之不  
堅。許與過厚。虜既歲得金帛五十萬兩。因勒碑紀功。  
擢劉六符極漢官之貴。是歲復以弼爲樞密直學士。  
遷翰林學士。皆懇辭。曰。增歲幣。非臣本志。特以方討。  
元昊未暇與用。其敢取賞乎。二年拜樞密副使。辭之。  
愈力。七月復拜樞密副使。弼言契丹既結好。議者便  
謂無事。萬一敗盟。臣死且有罪。願陛下思其輕侮之  
恥。坐薪嘗膽。不忘修政。以誥納上前而罷。踰月復出。

前命使宰相諭之曰此朝廷特用非以使遼故也弼

是矣

望主

乃受命帝銳以太平責成宰相數下詔督弼與范仲淹等又開天章閣給筆札使書其所欲爲者且命仲淹主西事弼主北事弼上當世之急務十餘條及安邊十三策大略以進賢退不肖止僥倖去宿弊爲本

六〇不〇生〇

欲漸易監司之不才者使澄汰所部吏於是小人始不悅矣四年契丹受禮雲中且發兵會元昊伐宋兒族帝疑二邊同謀弼曰兵出無名契丹不爲也元昊本與契丹約相左右今契丹獨獲重幣元昊有怨言

故城威塞以備之。呆兒屢寇威塞。契丹疑元昊使之  
故爲是役耳。二邊卒無事。出知鄆州。移青州。河朔大  
水。民流就食。弭勸所部民出粟。益以官廩。得公私廬  
舍十餘區。散處其人。以便薪水。官吏自前資待缺寄  
居者。皆賦以祿。使卽民所聚。選老弱病瘠者廩之。仍  
書其勞。約他日爲奏。請受賞。率五日輒遣人持酒肉  
飯糗慰籍。出於至誠。人人爲盡力。山林陂澤之利。可  
資以生者。聽流民擅取。死者爲大塚。葬之。目曰叢塚。  
明年麥大熟。民各以遠近受糧歸。募爲兵者萬計。帝



聞之遣使褒勞前此救災者皆聚民城郭中爲粥食之烝爲疾疫及相蹈籍或待哺數日不得粥而仆名爲救之而實殺之自弼立法簡便周盡天下傳以爲式至和二年召拜同平章事與文彥博並命宣制之日士大夫相慶於朝帝語學士歐陽修曰古之命相或得諸夢卜豈若今日人情如此哉嘉祐六年三月以母憂去任詔爲罷春宴故事執政遭喪皆起復帝虛位五起之弼謂此金革變禮不可施於平世英宗立召爲樞密使居二年以足疾求解判楊州熙寧元

年徙判汝州詔入覲神宗御內東門小殿令其子掖  
以進坐語從容弼知帝果於有爲對曰人主好惡不  
可令人窺測又問邊事對曰陛下臨御未久當布德  
行惠願二十年口不言兵明年召拜左僕射同平章  
事時有爲帝言災異皆天數非關人事得失所致者  
弼聞而歎曰人君所畏惟天至言若不畏天何事不可爲  
者此必奸人欲進邪說以搖上心使輔拂諫諍之臣  
無所施其力具治亂之機不可以不速救卽上書數  
千言力論之王安石用事雅不與弼合弼度不能爭

多稱疾求退章數十上神宗將許之問曰卿卽去誰  
可代卿者弼薦文彥博神宗默然良久曰王安石何  
如弼亦默然判河南改亳州青苗法出弼言新法臣  
所不曉不可以治郡願歸洛養疾遂請老加拜司空  
致仕弼雖家居朝廷有大利害知無不言帝雖不盡  
用而眷禮不衰嘗因安石有所建明卻之曰富弼手  
疏稱老臣無所告訴但仰屋竊歎者卽當至矣其敬  
之如此先時慶曆三年夷簡罷相夏竦爲樞密使復  
奪之而以與杜衍章得象晏殊賈昌朝范仲淹富弼

韓琦同時執政、歐陽修、余靖、王素、蔡襄並爲諫官。石  
介時爲國子直講，喜曰：「此盛事也。」歌頌吾職，其可已  
乎？乃作慶曆聖德詩，略曰：「衆賢之進，如茅斯拔，大姦  
之去，如距斯脫。」大姦指竦也。介之師孫復見之，曰：「子  
禍始于此矣。」夏竦因與其黨目衍、仲淹及修爲黨人。  
修又作朋黨論，上之。竦因介嘗奏記於弼，責以行伊  
周之事，乃使女奴習介書，改伊周爲伊霍，又僞爲石  
介撰廢立詔，飛語聞上。上雖不信，而仲淹弼不自安。  
於是弼使河北，仲淹使河東，介亦求外補歸家待次。

病卒。夏竦銜介甚，且欲傾弼。會徐州孔直溫謀叛，搜其家得介書。竦因言介實不久，弼陰使入契丹謀起兵爲內應耳。事下，知州杜衍會官屬議之。泰寧節掌書記龔鼎臣獨曰：「介平生直諒，寧有是耶？願以合族保其死。」衍竦然探懷中奏藁示之曰：「老夫旣保介矣。」君年少見義必爲安可量哉。七年，竦又讒介說虜不從，更爲弼往登萊結金坑凶惡數萬人，欲作亂。請發棺驗視，朝廷復詔監司體量。奉符提刑呂居簡曰：「今破塚發棺而介實死，則將奈何？且喪葬非一家所能。」

辨也。若人人召問之，苟無異說，卽令結罪保證，亦可。  
應詔矣。中使曰：善。還奏上意。果釋史評曰：黨論之始，  
倡蔡襄、賢不肖之詩，激之也。黨論之再作，石介一夔  
一契之詩，激之也。其後諸賢相繼斥逐，又歐陽、邢正  
之論，激之也。弼爲樞密相時，惟韓琦不關報檄、簾事，  
有魏公欲致弼於族滅之地之語。歐陽修爲叅政首  
議，追尊濮王。弼曰：歐公讀書知禮法，所以爲此舉者，  
忘仁宗累主上欺韓公爾。自此與修、琦絕。後弼致政  
居洛，每歲生日，琦必遣使致書幣。弼初不答書，而琦

之禮終不廢琦與修之薨也弭皆不祭弔云元豐六年八月有大星隕於所居還政堂下空中如甲馬聲而登天光臺焚香再拜知其將終也時年八十贈太

文忠

○沈括

沈括字存中，錢塘人。以父任爲沐陽主簿。縣依沐水，乃職方氏所書。浸曰沂，沐者故跡，漫爲汙澤。括新其二坊，疏水爲百渠，九堰以播節。原委得上田七千頃，擢進士第。後遷太常丞，同修起居注。時大籍民車，又市易司患蜀鹽不禁，欲盡入私井，而輦解池鹽給之。言者論二事如織，皆不省。括侍帝側，帝顧曰：「北邊以馬取勝，非車不足以當之。」括曰：「車戰之利見於歷世，然古人所謂兵車者，輕車也。五御折旋，利於捷速。今



之民間輜車重大日不能三十里故世謂之太平車  
但可施於無事之日耳帝喜曰人言無及此者遂問  
蜀鹽事對曰一切實私井而運解鹽使一出於官售  
誠善然忠萬戎瀘間夷界小井尤多不可猝絕也勢  
須列候加警臣恐得不足償費帝領之明日二事俱  
寢擢知制誥時賦近畿戶出馬備邊括言北地多馬  
而人習騎戰猶中國之工強弩也今舍我之長技強  
所不能何以取勝謂空以射遠入堅爲法遼蕭禧來  
理河東饋嵬地畱館不肖辭曰必得請而後反帝遣

相往聘詣樞密院開故牘得頃歲所議疆地書指  
長城爲境今虜爭益三十里遠表論之帝喜曰大臣  
殊不究本末然誤國事命以畫圖示禧禧議始屈還  
拜翰林學士權三司使嘗白事丞相府吳充問曰自  
免役令下民詆訾者今未衰也是果於民何如括曰  
以爲不便者特士夫與邑居之人習於復除者爾無  
足恤也獨微戶本無力役而亦使出錢則爲可念若  
悉弛之使一無所預則善矣充然其說表行之蔡確  
大、是、大、是  
論括非刺陰害司農法出知宣州改延州至鎮悉以

別賜錢爲酒命廛市良家子馳射角勝有軼羣之能  
者自起酌酒以勞之邊人歡激執弓傳矢唯恐不得  
進越歲得徹札超乘者千餘皆補中軍義從威聲雄  
他府以副總管种諤西討拔銀宥有功加龍圖閣學士  
朝廷出宿衛之師來戍賞賚至再而不及鎮兵括以  
爲衛兵雖重而無歲不戰者鎮兵也今不均若是且  
召亂乃藏勅書矯制賜緡錢數萬驛聞詔報之曰此  
右府頒行之失非卿察事機必擾軍政自是事不暇  
請者皆得專之諤師次五原值大雪糧餉不繼殿直

劉歸仁率衆南奔，士卒三萬人，皆潰入塞。居民怖，括出東郊，餞河東歸帥，得奔者數千。問曰：「副都總管遣汝歸取糧，主者爲何人？」曰：「在後。」卽諭令各歸屯。未旬日，潰卒盡還。括出按兵，歸仁至，括曰：「汝歸取糧，何以不持軍符？」因斬之。以狗括博學善文，於天文、方志、律曆、音樂、醫藥卜筮皆有論著。又紀平日與賓客言爲筆談，多載朝廷故實，耆舊出處傳於世。

李綱附种師道

李綱無錫人宣和七年金人攻汴徽宗震恐乃擢吳敏爲門下侍郎傳位太子而自稱道君除綱兵部侍郎靖康元年金兵渡河道君皇帝東幸時綱侍對延和殿聞宰臣議欲奉鑾輿出狩綱進曰聞宰臣欲奉陛下出狩果爾宗社危矣道君皇帝以宗社之故傳位陛下今捨之而去可乎上默然太宰白時中曰都城不可守也綱諍曰天下城池有如都城者乎若能激勵將士與之共守何不可之有上顧綱曰誰可將

綱曰陛下不以臣庸懦倘使治兵臣請效死乃除綱  
右丞宰臣猶以去計勸上有旨復命綱畱守而以李  
稅副綱綱復爲上力陳所以不可去者且言唐明皇  
時潼關失守卽時幸蜀宗社朝廷碎於賊手今陛下  
初卽大位四方之兵不日雲集虜騎必不能久畱捨  
此而去如龍脫於淵車駕朝發而都城夕亂雖臣等  
畱守何益上意頗回而內侍王孝竭從旁奏曰中官  
國公已行矣上色變降御榻泣曰卿毋畱朕朕將親  
往陝西起兵以復都城綱亦泣俯伏上前不可起會

燕越二王亦以固守爲言上意稍定因顧綱曰卿  
朕治兵禦寇專在卿矣綱惶恐受命與李悅同出治  
事越五日綱自尚書省趨朝道路紛紛復傳言欲南  
狩矣綱遑遽無策因厲聲謂禁衛曰爾等願以死守  
社稷乎願扈從巡幸乎皆呼曰願死守綱因拉殿帥  
王從濂等入見曰陛下昨已許畱今復戒行何也且  
六軍之情已變彼父母妻子皆在都城萬一中道散  
歸其誰與我況虜騎已逼乎上悟綱因謂宰相曰上  
意已定敢有異議者斬因出傳旨宣示禁衛皆拜伏

呼萬歲復入勸上御樓以見將士固守之議始決是  
日以綱爲親征行營使方治都城四壁守具以百步  
法分兵備禦賊渡濠以雲梯攻城綱命班直乘城射  
之綱時坐酸棗門下有自門上擲下人頭至六七者  
皆云斬獲姦細及驗認卽皆漢人首級綱於是捕獲  
數人斬以徇軍是日賊攻陳橋封丘等門而酸棗門  
尤急上遣中使勞問城上歡呼自卯至申殺賊數千  
人賊乃退幹離不因遣使請和乘夜欲入城綱傳令  
敢輒開門者斬竟候明而入使人出書欲得大臣



軍前定議時宰臣莫敢出蹕綱乃請行上曰卿方治兵不可卿性剛李枕奉使可矣綱曰今虜氣方銳吾大兵未集固不可不和然得和則中國之勢安不然禍患未已臣懼李枕柔懦誤國事也因爲上具道所以不可割地及過許金幣之說李枕至金果辱命須犒師金五百萬銀五千萬絹絲各百萬馳驢騾之屬各以萬計尊其國主爲伯父又割太原中山河間三鎮之地而以親王宰相爲質乃許枕唯唯不能措一辭而返金人相視而笑曰此婦人爾枕至呈金人所

須事目、大臣震恐、欲如其數、綱引前議力爭、以謂犒  
師金幣、雖竭天下、不足以充其數、太原河間中山國  
家屏蔽、號爲三鎮、其實十餘郡、地割之、何以立國、爲  
今計、莫若擇使與之、熟議宿留數日、大兵四集、彼以  
孤軍入重地、勢不能久、必求速歸、然後與之盟、以重  
兵衛出之、其和可久也、諸大臣方謂都城破在旦夕、  
肝腦且塗地、尚何有於三鎮、上爲羣議所惑、凡爭踰  
兩時、無一人助綱言者、綱自度力不能勝、因再拜求  
去、上慰諭曰、不須如此、卿第出治兵耳、綱因出至

北壁復回而誓書已行所求悉皆與之矣宰臣哀  
金銀自乘輿服御宗廟供具六宮官府器皿以至臣  
庶之家不能充數於是欲盡括在京官吏軍民銀兩  
立限輸官不輸者斬都城大擾限既滿亦不能足賴  
四方勤王之師漸至統制官馬忠以京西募兵擊破  
金兵於鄭州門外於是金人始懼遊騎不敢旁出而  
京城以南之民稍安已而靖難軍節度使种師道承  
宣使姚平仲以涇原秦鳳路兵至綱奏曰金精兵不  
過三萬吾勤王之師集城下者已二十餘萬彼以孤

軍入重地，正猶虎豹自投陷穽，當以計取之。扼河津，絕糧道，禁抄掠，以重兵臨賊營，堅壁勿與戰，俟其芻糧乏，人馬疲，然後以將帥檄取誓書，復三鎮，縱其歸，半渡而擊之，此必勝之計也。上深以爲然。期以二月六日舉事，而姚平仲謂大功可自有之，先期於二月一日夜率步騎萬人往，剗金寨，欲生擒所謂幹離不者。旣爲虜所覺，卽遁去。上震恐，遽詔不許進兵，而幹離不亦遣使來詰用兵違誓之故。宰相李邦彥謂使人曰：「用兵者，李綱、姚平仲之謀，非朝廷意也。」僉議欲

縛綱以與金而金使反以爲不可遂罷綱而以蔡  
代之种師道亦罷宣撫時有太學生陳東及書生千  
餘人詣闕上書明綱及師道不當罷軍民間之不期  
而集者數十萬人上乃召綱及師道入對復綱尚書  
右丞充京城四壁守禦使方蔡懋代綱時金人近城  
令不得施放有引砲及牀子弩者皆杖之將士憤怒  
及綱至施放自便中賊者賞城上爭發霹靂砲擊賊  
賊薄城射却之京師不逞之徒乘機殺傷內侍取其  
金帛而以所藏器甲弓劔納官請功綱命集守禦使

司以次納訖凡二十餘人各言名姓皆斬之并斬殺傷部隊將者二十餘人及盜衲襖一領者強取婦人絹一匹者妄斫傷平民者皆卽斬以徇故外有強敵月餘日而城中竊盜無有也然金人自平仲劫寨及封丘門接戰之後頗有懼意旣得三鎮及蕭王爲質卽不俟金幣數足遂辭去綱奏上曰澶淵之役雖與盟而還猶遣重兵護送蓋恐其無忌肆行擄掠故也今宜速遣大兵護之出境上以爲然卽日分遣將士以兵十萬數道並進已而澤州奏金粘罕兵已次高

平朝廷震懼恐其復渡河而南宰臣咎綱綱曰幹  
不之節旣退自當遣兵護送粘罕雖來聞旣和亦當  
自罷必無復渡河之理又太行懸車之險已遣統制  
官郝懷將兵二萬屯河陽控扼險道矣決無他慮也  
而宰臣獨密啓上於是悉追還諸將之兵綱聞之復  
力爭雖復得旨再進與金人相及於滹沱河然將士  
知朝廷議論不一不復有邀擊之意矣於是金人復  
旁出抄掠深祁思冀間而粘罕之兵聞已和果退如  
綱言未幾綱往南都迎道君皇帝旣還入國門見上

奏曰金人退師又割三鎮三鎮官吏軍民不甯陷沒  
虜廷欲爲朝廷堅守臣恐秋高馬肥虜必再至以責  
前約宜及今飭武備修邊防以待之於是爲上條具  
八事其一謂唐之藩鎮所以拱衛京師故雖屢有變  
故卒賴其力爲今之計莫若以太原真定中山河間  
甚妙甚建爲藩鎮擇帥付之許之世襲以捍金人又滄州與  
營平相直隔黃一下流及小海其勢易以侵犯宜分  
濱瀕德博建橫海軍一道如諸鎮之制上俾宰臣共  
議而其間所論異同綱力爭之不能得大抵自



既退道君還宮之後朝廷恬然遂以爲無事防邊禦寇之策皆置不問執政又密白上以綱得都城軍民之心於是綱惶懼乞骸會种師道以病告歸乃以綱爲宣撫使代師道綱再拜力辭自陳書生不知兵在圍城中不得已爲陛下料理兵事實非所長上不許卽命尚書省出教綱入見上具道所以爲人中傷致上聽不能無惑者上不聽綱不得已戒行號令將士斬裨將焦安節以徇畱河陽十餘日訓練士卒脩整器甲進次懷州綱以爲步不勝騎騎不勝車金人以

鐵騎奔衝、非車不能制之。有張行中者、獻戰車制度、兩竿雙輪、前施皮籬、槍刃運轉輕捷、每車用甲士二十五人、執弓弩、皆牌之屬、以輔翼之、結陣以行、鐵騎遇之皆退。凡造千餘兩、日肄習之、俟防秋之兵集、欲謀大舉、而朝廷降旨、凡詔書所起之兵、皆悉罷、減宣撫副使、制置副使、以察訪使勾當公事。又皆事得專達、進退自如、綱以結、印制不專、恐誤國事、論奏不報。既而徐處仁、吳敏罷相、而相唐恪、許翰亦罷、同知樞密院事、而進用聶山、陳過庭、李四等矣。吳敏復責授散官。

安置涪州。綱歎曰：「事無可爲者矣。」因入表劄，力道所以不勝任者。於是上命神師道以同知樞密院事巡邊，交割宣撫司職事。除綱觀文殿學士知揚州。綱奏請辭免拜，上疏具言宣撫司兵若干，防秋兵若干，屯駐某處，不曾用。朝廷應副銀絹錢若干，及御前降到若干，除支官兵食錢并犒賞外，今皆椿留懷州。及在京降賜庫具有籍可考。按乞卽遣使覈實。嗣是果有言綱專主戰議，喪師費財者。又指綱十罪。於是落職。官觀資授保靜軍節度副使。建昌軍安置。又以綱上

疏辯論謂還有後言以惑衆聽再謫寧江二年春復舊官領開封府事時金兵再至都城圍急綱聞命卽率湖南勤王之師入援五月次繁昌聞都城已破二聖播遷次太平得高宗卽位赦書次寶應聞已降麻告廷除尚書右僕射兼中書侍郎矣次姑孰得御史中丞顏岐遣人投文書開視乃論綱不當爲相章奏其大意謂張邦昌金人所喜雖以爲三公真王宏更加同平章事增重其禮綱金人所惡雖已命相安乃其未到罷之以爲中太官使置之閒地前後凡

上皆不降出故岐卦以示綱欲綱見之留而不進也  
會朝廷遣使趣綱綱遂行進對內殿奏言今日急務  
莫先於料理河北河東兩路今河北河東雖爲金人  
殘破然河東所失者忻代太原澤潞汾晉其餘猶存  
也河北所失者真定懷德濟四州其餘中山河間二  
十餘郡皆爲朝廷守然金人善因兵於敵今兩路軍  
民雖懷忠義使救援之兵不至必且憤怨朝廷金人  
因得撫而用之矣臣愚以謂莫若於河北置招撫司  
河東置經置司擇有材略者爲之使宣諭陛下德意

其能保全一州收復一郡者隨其高下以爲節度防禦團練使如今張所可以招撫河北傅亮可以經制河東然所嘗論潛善細頗難之一日遇潛善款語曰今當艱難之秋負天下重責而四方士大夫號召未有來者前日議置河北宣撫司獨一張所可用又以狂妄有言得罪如所之罪孰謂不宐第今日事迫不得不試用之如用以爲臺諫處要地則不可使之借官爲招撫冒歟立功以贖過似無嫌潛善欣然許之乃薦之於上借所通直郎直龍圖閣充河北招撫使

以亮爲河東經制副使而以觀察使王瓌爲使未半  
月上忽降手詔欲巡幸東南綱因具劄子極論不可  
且言自古中興之主起於西北則足以據中原而有  
東南漢光武唐肅宗是也起於東南則不足以復中  
原而有西北晉元帝是也今者自冬徂春兩河措畫  
就緒卽宜還駕汴都矣旣而上許幸南陽而潛善伯  
彥又陰勸之乃遷綱尚書左僕射除潛善右僕射旣  
命兩相則潛善顯沮張所而罷傅亮綱畱身極論且  
言潛善伯彥始極力以沮張所又極力以沮傅亮力

沮二人乃所以沮臣使不得安其職臣每鑒靖康大  
臣不和之失凡事未嘗不與潛善伯彥商議而後行  
不謂二人設心如此乃力請求去翌日降麻除綱觀  
文殿太學士提舉杭州洞霄宮自綱罷張所以罪去  
傅亮以母病辭歸招撫經制二司皆廢車駕遂東幸  
兩河郡縣相繼淪陷凡綱規畫軍民之制一切廢罷  
金人攻京東西殘毀關輔而中原盜賊蠭起矣紹興  
四年冬金人及僞齊來攻綱具防禦三策謂僞齊悉  
兵南下境內必虛倘出其不意電發霆擊擣頽昌以



臨畿甸、彼必震懼、還救五年、詔問攻戰守備之方、綱  
奏言、議者謂敵馬既退、當遂用兵爲大舉之計、臣竊  
以爲不然、生理未固而欲浪戰、僥倖非致勝之術也、  
夫萬乘所居必擇形勝、然後能制服中外、以圖事業、  
建康昔號帝王之宅、今舊都未復、莫若且於建康駐  
蹕、大槩近年間、暇則以和議爲得計、而以治兵爲失  
策、倉卒則以退避爲愛君、而以進禦爲誤國、上下偷  
安、不爲長久之計、天步艱難、職此之由、九年除知潭  
州、荆湖南路安撫大使、綱具奏力辭、次年夢年五十

八綱負天下之望以一身用舍爲社稷生民安危雖身或不用用有不久而其忠誠義氣凜然動乎遠邇每宋使至燕山必問李綱趙鼎安否其爲遠人所畏服如此

种師道少從張載學以蔭補知懷德軍夏國使焦彥堅來欲得故地師道曰如言故地當以漢唐爲正則君家疆土益蹙矣童貫謀伐燕使師道盡護諸將師道諫曰今日之舉譬如盜入鄰家不能救又乘之而分其室焉無乃不可乎貫不聽既次白溝遼使來請

曰女真之叛本朝亦南朝之所甚惡也今射一時之利棄百年之好結豺狼之鄰基他日之禍謂爲得計可乎救災恤鄰古今通義惟大國圖之貫不能對師道復諫空許之又不得聽責爲右衛將軍致仕而用劉延慶代師道金人南下復加京畿河北制置使時師道方居南山豹林谷聞命卽東至洛陽聞韓離不已屯城下或止勿行師道曰吾兵少若遲廻不進形見情露祇取辱焉卽揭榜沿道言神少保領西兵百萬來遂趨汴水徑逼敵營金人懼徙砦稍北增壘自衛

時師道春秋高天下稱爲老种欽宗聞其至喜甚入見問曰今日之事卿意如何對曰女真不知兵豈有孤軍深入人境而能善其歸乎帝曰業已講好矣拜檢校少傅同知樞密京畿兩河宣撫使京城自受圍以來諸門盡閉師道請啓西南壁聽民如常出入又請緩給金幣使彼情歸扼而殲諸河執政不可金師道乃罷爲中太一官使御史中丞許翰以爲不宜解師道兵柄上曰師道老矣及翰見師道於殿門外復上奏謂師道智慮未衰於是加進太尉爲河北河東

宣撫使屯滑州師道請合關河卒屯滄衛孟滑備金  
兵再至朝論以大敵甫退不宜勞師示弱格不用既  
而太原陷又使巡邊次河陽亟上疏請幸長安以避  
敵鋒大臣復以爲怯復召還既至病不能見遂卒年  
六十七及京城失守帝批牋曰不用師道之言故至  
於此李生曰哀哉庸主之難扶也

○趙鼎

趙鼎聞喜人登進士第擢爲開封士曹京師失守二  
帝北行金人議立張邦昌鼎與胡寅張浚逃太學中  
不書議狀高宗幸建康詔羣臣具條防秋事<sub>是</sub>宜鼎言  
宜以六官所止爲行宮車駕所止爲行在使敵莫測  
巡幸之所上納之遷殿中侍御史御史中丞拜叅知  
政事宰相朱勝非忌鼎除鼎知樞密院川陝宣撫使  
時人士皆惜其去會邊報沓至鼎朝辭上曰卿其可  
遠去當遂相卿九月拜尚書右僕射兼知樞密院事

制下朝士相慶時劉豫子麟與金人合兵大入舉朝震恐鼎獨論戰禦之計上曰朕當親總六師臨江決戰鼎喜曰累年退怯敵志益驕今聖斷親征成功可必也於是詔張浚以所部援韓世忠而命劉光世移軍建康且促世忠進兵世忠至揚州大破金人於大儀鎮金人遁去上謂鼎曰近將士致勇爭先諸路守臣翕然自效乃朕用卿之力也五年上還臨安以鼎守左僕射知樞密院事張浚右僕射兼知樞密院事都督諸路軍馬未幾劉豫復遣子麟覘分路入寇鼎

移書浚欲令張俊與楊沂中合兵勦敵於是俊這一軍至藕塘與猊戰大破之鼎又命沂中趨合肥以援劉光世光世時已棄廬州回江北矣浚以書告鼎鼎白上詔浚有不用命者聽以軍法從事光世乃大駭復進至肥河與麟戰破之麟猊遂拔柵遁去後浚遣呂祉入奏事鼎見祉所言誇大每裁抑之帝謂鼎曰他日使浚與卿不和者呂祉也浚後因論事意侵鼎因求去出知紹興府七年浚以王德爲都統鄭瓊副之並聽叅謀兵部尚書呂祉節制瓊與德有宿怨訴



於社不得直執社以全軍降僞齊浚乃引咎去位復召鼎入對拜尚書左僕射上曰浚罪當遠竄鼎謂浚罪不過失策耳凡人計慮豈不欲萬全儻因一失便寘之於地後有奇謀秘計誰敢復言者此事自關朝廷非獨私浚也上意乃解遂以散官分司居永州鼎既再相或議其無所施設鼎聞之曰今日之事如人處當靜以養之若復加攻砭必傷元氣矣然鼎嘗初議素與秦檜不合及鼎以爭他事拂上意檜乘隙乃復出鼎知紹興府檜往餞鼎行鼎不爲

檜益憾之。至是又徙鼎知泉州。又諷謝祖信論鼎。受張邦昌僞命。御史中丞王次翁好人復論鼎治郡廢弛。遂奪節提舉洞霄宮。鼎自泉州歸。不思杜門謝客。仍復上書言時政。檜恐其復用。諷次翁又論其嘗乾沒都督府錢十七萬緡。謫居興化軍。移漳州。又責清遠軍節度副使潮州安置。在潮五年。始杜門謝客。不談時事。然亦晚矣。中丞詹大方好人誣其賄屬潮守。故放編置人。復移吉陽軍。鼎因表謝上曰。白首何歸。悵餘生之無幾。丹心未泯。誓九死以不移。鼎此表實禍胎也。

檜見之果恨曰此老倔强猶昔鼎子汾乞侍行鼎語  
之曰紹聖初呂微仲謫嶺南惟一子景山同行呂顧  
其子泣曰吾老矣汝何罪乃同歾瘴鄉耶不若我先  
歾使汝護喪而歸猶有後也微仲大防字鼎在言陽  
三年門人故吏皆不敢通問惟廣西帥張宗元時饋  
米檜知之令本軍月具存亡申報鼎遂不食而歾  
先遣人語其子汾曰檜必欲殺我我歾汝曹無患矣  
自書墓中石記鄉里及除拜歲月又書銘旌云身騎  
箕尾歸天上氣作山河壯本朝時紹興十七年也天

下聞而悲之、明年得旨歸葬汾、護喪歸葬、衢州守臣  
章傑知中外士大夫是日皆携酒來會葬、陰遣縣尉  
翁蒙之以搜私釀爲名、欲馳往掩取之、以爲奇貨而  
不知蒙之固正人也、蒙之急書片紙走僕自後垣出  
密以告汾、令盡焚篋中書以及弓刀之屬、比官兵至  
搜索悉無所得、鼎之一家、賴以紓禍、蒙之力也、孝宗  
卽位、謚忠簡、鼎有擬奏表、雜詩文二百餘篇、號得  
全集、行于世、李生曰、趙得全、卒、~~不~~全何其愚也、又  
曰、守臣枉出奇計、縣尉自有蒙之人生品格、已就豈

卷之四

崇卑

四

○陳亮 五十五歲始登第

陳亮字同父永康人生而目光有芒爲人才氣超邁  
喜談兵論議風生下筆數千言立就嘗著酌古論郡  
守周葵得之曰他日國士也及葵執政朝士白事必  
指令揖亮因得交一時豪俊隆興初與金人約和天  
下欣然幸得蘇息獨亮持不可因上中興五論奏入  
不報亮園視錢塘喟然嘆曰城可灌爾蓋以地下於  
西湖也淳熙五年孝宗卽位又十七年矣亮更名向  
復詣闕上書書奏孝宗赫然震動欲賜朝堂用种放

故事、公令上殿將擢用之。左右大臣惡其直言，遂有都堂審察之命。亮待命十日，再詣闕上書。帝欲官之。亮笑曰：「吾欲爲社稷開數百年之基寧，用以博一官乎？」遂渡江而歸。日與邑之狂士飲，醉中戲爲大言，有欲中亮者，以其事首刊部侍郎何澹。澹嘗爲考試官，黜亮，亮不平，詣數侵澹。澹聞而嘆之，卽繳狀以聞。事下大理，管掠亮無完膚。孝宗知爲亮，及奏入，取旨。帝曰：「秀才醉後妄言何罪？」之有割其牘於地。亮遂得免。居無何，亮家僮殺人，適被殺者嘗辱亮父，其家疑事。

由亮聞於官乃囚亮父於州獄而屬臺官論亮情重  
下大理時丞相王淮知帝欲生亮而辛棄疾羅點素  
高亮才援之尤力復得<sub>二</sub>不<sub>一</sub>亮自以屢遭大獄歸家  
讀書所學益博嘗曰研窮義理之精微辯析古今之  
同異原心於杪忽較禮於分寸以積累爲工以涵養  
爲正粹面盎背則於諸儒誠有愧焉何愧之有至於堂堂之陣  
正正之旗風雨雷雲交發而並至龍蛇虎豹變現而  
出沒推倒一世之智勇開拓萬古之心胸自謂差有  
一日之長亮意蓋指朱熹呂祖謙等云是時熹與亮



往復論王霸之辨。葉適曰：同甫既脩皇帝王霸之學，上下三千餘年，考其合散，發其秘藏，見聖賢之精微，常流行於事物，儒者失其指，故不足以開物成務。其說皆今人所未講。朱元晦意有不與而不能奪也。於時鄉人宴會，多末胡椒置羹，裁中以爲敬。同坐者歸而暴殂，曰：陳上舍使殺我。縣令王恬實其事。臺官諭監司選可人，而吏訊問無所得。取入大理，衆意必歿。少卿鄭汝諧閱其單辭，大異，曰：此天下奇材也。力言於光宗，遂得免。三決不未幾，光宗策進士，問以禮樂政刑之要，亮

以君道師道對時光宗不朝華宮羣臣更進迭諫  
皆不聽得亮策乃大喜以爲吾處父子之間奏名第  
三御筆擢第一既知爲亮則大喜孝宗在南內寧宗  
在東宮聞之皆喜授僉書康府判官廳公事未至  
官一夕卒年五十五亮志在經濟重許可人人見其  
肺肝雖爲布衣薦士恐弗及家僅中產畸人寒士衣  
食之久不衰卒之後葉進請於朝翁補一子官非故  
典也李卓吾曰終始知公者葉繼文公游文公不  
知也乃郡守周堪早歲便知亮異哉堂堂朱夫子反

以章句繩亮。亮。豪。目。亮。悲。夫。士。唯。患。不。能。豪。耳。有。能。  
有。豪。而。後。真。精。細。出。矣。不。能。

○虞允文

虞允文隆州人登進士第金主亮脩汴允文言金必敗盟兵出有五道願詔大臣豫思備禦時三十年正月也十月借工部尚書充賀正使與館伴賓射一發破的衆驚異之允文還奏言淮海禦備尤急金果使王全高景山來欲得淮南地於是遣成閔爲京湖制置使將禁衛五萬禦襄漢上流允文曰兵來不除道敵爲虛聲以分我兵成其出淮奸謀爾不聽卒遣閔允文復語宰臣陳康伯曰閔軍約程在江池宜令到

池者駐池到江者駐江若敵兵出上流則京湖之軍  
捍於前江池之軍援於後若出淮西則池州軍出巢  
縣江州軍出無爲是一軍而兩用也康伯然其說而  
閔軍竟屯武昌時金主府兵百萬自渦口渡淮先是  
劉錡措置淮東王權措置淮西至是權首棄廬州錡  
亦回揚州中外震恐上欲叱海陳康伯力贊親征是  
月權又自和州遁歸錡回江金悉大軍臨采石朝  
命成閔代錡李顯忠代權又命允文趣顯忠交權軍  
且犒師允文至采石權已去顯忠未來敵騎充斥我

師三五星散解。以東甲坐道旁。允文謂坐待顯忠。則誤國事。遂立招。明將勉之曰。金帛告命皆在此。以待有功。衆曰。既有主。請死戰。允文至江。見江北已築高臺對植絳旗繡旗。中建黃屋。金主亮踞坐其下。時金兵號百萬。實四十萬。馬倍之。我軍一萬八千。允文乃命諸軍列大陣不動。分戈船爲五。其二並東西岸行。一駐中流。藏精兵代戰。二藏小港。備不測。部分甫畢。敵已大呼亮操小紅旗。麾數百艘絕江而來。瞬息抵南岸者七十艘。直薄我軍。軍小卻。允文入陣撫。時俊

之背曰汝膽略聞四方立陣後則兒女子爾俊卽揮  
雙刀出士殊歿戰中流官軍亦以海鱣船衝敵舟皆  
平沉敵半歿半戰日暮未退會有潰卒自光州至允  
文授以旗鼓從山後轉出敵疑救兵始退因命勁弓  
尾擊追射大敗之允文乃犒將士謂之曰敵今敗明  
必復來夜半部分諸將分海船縋上流別遣兵截楊  
林口明日敵果至四夾擊之復大戰焚其舟三百始  
遁去再以捷聞旣而敵趨瓜州顯忠至允文語之曰  
敵犯瓜州京口無備我當往顯忠乃分軍萬六千允

文至京口、敵屯重兵滁和、造三牖、儲水深數尺、塞瓜  
州、時楊存中感閔、卽宏淵諸軍皆聚京口、惟海鱗船  
不滿百、戈船半之、允文謂遇風則使戰船、無風則使  
戰艦、數少恐不足用、遂聚材治鐵、改脩馬船爲戰艦、  
命張深守滁河口、扼大江之衝、以苗定駐下蜀爲援、  
庚寅、亮至瓜州、允文又與存中臨江、按試命戰士踏車  
船中流上下、三周金山、回轉如飛、敵持滿以待、相顧  
駭愕、未幾亮爲其下所殺、奏聞、召入對、上慰藉嘉嘆、  
謂陳俊卿曰、虞允文朕之裴度也、孝宗受禪、朝臣有



言西事者謂官軍進討東不可過寶雞北不可過德順且欲用忠義人守新復州郡官軍還守蜀口蓋用參知政事史浩議欲盡棄陝西也允文疏言恢復莫先於陝西陝西五路新復州縣又係於德順之存亡一旦棄之則窺蜀之路愈多西和階成利害至重前後凡十五疏不報興元年入對除兵部尚書湖北京西制置使湯思退又欲棄唐鄧海泗允文五上疏力爭思退竟決和議割唐鄧二年金兵復至思退貶上海不用允文陳俊卿亦薦允文堪大用乾道元

年拜參知政事兼知樞密院事。是秋金遣完顏仲石  
所議偃蹇不敬。允文請斬之。廷有異論不果。五年拜  
右僕射同平章事兼樞密使。多薦知名士如洪适汪  
應辰胡銓周必大王十朋趙汝愚。鼂公武李燾其尤  
也。詔以范成大爲祈請使爲陵寢故諜報。金人欲以  
三十萬騎奉遷陵寢來歸。中外洶洶。允文謂金方懲  
亮決不輕動。不過以虛聲撼我耳。敵卒無他會慶節  
金使烏林答天錫入見。驕倨甚。回請上降榻問金主  
起居。侍臣錯愕失措。允文請大駕還內諭之曰。大駕

既興使人來且隨班上壽。金使慚而退。八年允文舉梁克家自代上不聽御史蕭之敏劾允文上過德壽宮太上曰采石之功之敏在何許上爲出之敏且書扇製詩以畱之允文力求去授四川宣撫使淳熙元年卒允文姿格偉長慷慨磊落有大志而言動有度早以文學致身臺閣晚際時難出入將相垂二十年